



REPUBLIKA E KOSOVËS - REPUBLIKA KOSOVA - REPUBLIC OF KOSOVO		
KOMUNA E PODUJEVËS/OPSTINA PODUJEVO/MUNICIPALITY OF PODUJEVO		
DIREKTORIA E ADMINISTRATËS - UPRAVA ADMINISTRACIJE		
Dërguar më 09.06.2026		
Dostavijeno	Nr. Br.	Shtypje - Pritje
02-016/W-0033493/26		
PODUJEVË - PODUJEVO		



**Republika Kosova - Republika
Kosovo Republic of Kosovo
Qeveria - Vlada - Government**

REPUBLIKA E KOSOVËS - REPUBLIKA KOSOVA - REPUBLIC OF KOSOVO		
QEVERIA E KOSOVËS - VLADA KOSOVA - GOVERNMENT OF KOSOVO		
MINISTRIA E BUJQËSISË, PYLLTARISË DHE ZHVILLIMIT RURAL		
MINISTARSTVO POLJOPRIVREDE, ŠUMARSTVA I RURALNOG RAZVOJA		
MINISTRY OF AGRICULTURE, FORESTRY AND RURAL DEVELOPMENT		
Arhivi Qendror - Centralno Arhivo - Central Archive		
Nr./Br./No.	1712	
Nr. i fq./Br. Str./No. pg.	4	
Data/Datum/Date:	09.06.2026	
PRISHTINË - PRIŠTINA - PRISTINA		

**Komuna e Podujevës
Opština Podujevo
Municipality of Podujevo**

**Ministria e Bujqësisë, Pylltarisë dhe Zhvillimit Rural
Ministarsvo Poljoprivrede, Šumarstva i Ruralnog Razvoja
Ministry of Agriculture, Forestry and Rural Development**

Podujevë, 03.06.2026

Duke u bazuar në nenet 3, 6, 8, 9, 10 dhe 11 të Ligjit Nr. 06/L-113 për Organizimin dhe Funksonimin e Administratës Shtetërore dhe të Agjencive të Pavarura (Gazeta Zyrtare e Republikës së Kosovës, Nr. 7, 01 mars 2019, Prishtinë), duke u bazuar në nenin 18 paragrafi 1 të Rregullores (QRK) Nr.04/2026 për Fushat e Përgjegjësisë Administrative të Ministrive (20.02.2026), nenet 5 dhe 58 të Ligjit Nr. 03/L-040 për Vetëqeverisjen Lokale (Gazeta Zyrtare e Republikës së Kosovës, Nr. 28, 04 qershor 2008, Prishtinë), si dhe Ligjin Nr. 10/L-001 mbi ndarjet buxhetore për Buxhetin e Republikës së Kosovës për vitin 2026 (Gazeta Zyrtare e Republikës së Kosovës, Nr.4 / 2 mars 2026, Prishtinë), Lidhet kjo:

**MARRËVESHJE E MIRËKUPTIMIT
PËR: FINANCIMIN PËR PËRFUNDIMIN E PROJEKTIT “PARKU BUJQËSOR NË
FSHATIN SFEQEL” KOMUNA E PODUJEVËS**

E lidhur ndërmjet:

1. Ministria e Bujqësisë, Pylltarisë dhe Zhvillimit Rural, (në tekstin e mëtejshëm: Ministria), e përfaqësuar nga Ministri në detyrë z. Armend MUJA
dhe
2. Komuna e Podujevës e përfaqësuar nga Shpejtim Bulliqi, Kryetar i Komunës së Podujevës

**Neni 1
Qëllimi**

1. Qëllimi i kësaj Marrëveshjeje është mbështetja financiare për përfundimin e Projektit “Parku Bujqësor në fshatin Sfeqel” i cili është projekt unik dhe i pari i këtij lloji në Kosovë, me rëndësi të veçantë strategjike për zhvillimin e bujqësisë, inovacionit dhe agrobiznesit.

Neni 2

Afati

Të gjitha aktivitetet nga neni 1 i kësaj marrëveshjeje duhet të kryhen në vitet fiskale 2026 dhe 2027.

Neni 3

Vlera e Projektit dhe Financimi

1. Vlera e totale e Projektit është 1,356,098.72 euro.
2. Ministria do të financojë projektin e lartcekur brenda mundësive buxhetore të parapara për vitin fiskal 2026 dhe 2027, në vitin 2026 do ta mbështes me vlerë 100,000.00 Euro, ndërsa në vitin 2027 do ta mbështes me vlerë 600,000.00 Euro.

Neni 4

Përgjegjësitë e Ministrisë

1. Ministria ndan mjetet financiare në shumën e përgjithshme prej: 700,000.00 €, për financimin e projektit në paragrafin 1 dhe sipas paragrafit 2 të nenit 3 të kësaj marrëveshjeje.
2. Mjetet financiare të ndara nga paragrafi 1 i këtij neni ndahen nga Kodi i Programit 40100 Departamenti i Politikave Bujqësore, i ndarë në një (1) periudhë.
3. Pagesat për periudhën e kohëzgjatjes së këtij memorandum, sipas participimit të Ministrisë, do t'i bëhen operatorit ekonomik sipas kontratës, i cili do të përzgjidhet sipas procedurave të prokurimit nga ana e Komunës.
4. Pagesat bëhen vetëm për aktivitetet e përfunduara në bazë të situacioneve të sjellura nga operatori ekonomik, të vërtetuara nga organi mbikëqyrës/menaxheri dhe të verifikuara nga mbikëqyrësi i projektit i emëruar nga Ministria/Komuna.
5. Pagesat bëhen vetëm për aktivitetet e projektit në fjalë dhe jo për ndonjë aktivitet tjetër.
6. Ministria, në cilësinë e vëzhgueses do të marrë pjesë në vlerësimin e ofertave për zgjedhjen e kontraktuesit dhe në rast që vërehet ndonjë parregullsi, është e obliguar të raportojë tek institucioni përgjegjës.

Neni 5

Përgjegjësitë e Komunës

Komuna do të udhëheqë projektin, procedurat e prokurimit dhe do të nënshkruajë kontratën në pajtim me legjislacionin përkatës në fuqi të prokurimit publik dhe menaxhimit të financave publike.

2. Komuna para fillimit të punimeve duhet të dorëzojë në Ministri kopjen e Kontratës së lidhur ndërmjet: Komunës dhe operatorit ekonomik / punë kryesit.
3. Komuna në intervale të rregullta kohore dhe në raste tjera, kur kjo është e domosdoshme do t'i dërgoj Ministrisë edhe këto të dhëna:
 - 3.1. Kopjet e raporteve të menaxhimit dhe mbikëqyrjes së punimeve, dhe
 - 3.2. Dokumente tjera nëse kërkohen.
4. Komuna merr për obligim shmangien e pengesave eventuale juridike-pronësore.

Neni 6

Përgjegjësitë dhe zotimet e përbashkëta

1. Komuna ka autoritetin dhe përgjegjësinë të lidhë kontratën me operatorin ekonomik, i cili është vlerësuar si më i përgjegjshmi teknikisht dhe financiarisht dhe të emërojë/përzgjedhë menaxherin/mbikëqyrësin, i cili do të menaxhojë realizimin e projektit.
2. Komuna /Ministria do të emërojë mbikëqyrësin e projektit për monitorim të punimeve për realizim të kontratës, me kompetenca të plota për ndërhyrje në rast që konstaton së punimet nuk janë në përputhshmëri me kontratën.
3. Mbikëqyrësi i emëruar/përzgjedhur nga Komuna /Ministria do t'i raportojë Autoritetit nga i cili është emëruar.

Neni 7

Zgjidhja e mosmarrëveshjeve

Palët do të bëjnë përpjekje për t'i zgjidhur mosmarrëveshjet eventuale që mund të kenë ndërmjet veti, përmes mirëbesimit ose negociatave miqësore. Ndonjë konflikt apo kërkesë e cila vjen si interpretim i këtij memorandum duke përfshirë esencën e tij, vlefshmërinë apo përfundimin e tij duhet të zgjidhet nga gjykata kompetente.

Neni 8

Ndryshimet dhe Plotësimet

Kjo Marrëveshje mund të ndryshohet me shkrim me pëlqimin e dyanshëm të nënshkruesve të tij.

Neni 9

Përfundimi

Palët mund të shkëpusin Marrëveshjen, me akt të njëanshëm duke dhënë tridhjetë (30) ditë afat me njoftim paraprak - arsyetim, në formë të shkruar palës tjetër.

Neni 10

Kopjet e Marrëveshjes

Kjo Marrëveshje m mirëkuptimi është hartuar në gjuhën shqipe, në katër (4) kopje origjinale, ku secila palë nënshkruese merr nga dy (2) kopje.

Neni 11
Hyrja në fuqi

Ky memorandum hyn në fuqi ditën e nënshkrimit.

Armend MUJA
Ministër në detyrë / MBPZHR-së



Shpejtim BULLIQI
Kryetar i Komunës së Podujevës

